

Skýringar við skóladagatal Giljaskóla 2021-2022

Lög segja til um fjölda skóladaga nemenda og fjölda skipulagsdaga kennara bæði á skólatíma og á undan og á eftir skólaárinu. Á tímabilinu frá miðjum ágúst til miðs júní skulu nemendur fá 180 skóladaga, þar af 170 samkvæmt stundaskrá en 10 daga má nýta á annan hátt.

Starfsdagar kennara eru 5 á starfstíma nemenda og sex dagar þess utan. Þá daga sem gera má ráð fyrir að breytingar verði á stundaskrá kennara köllum við ýmist uppbrotsdaga eða skerta daga og eru þeir merktir sérstaklega á skóladagatal.

Uppbrotsdagar (bleikir á skóladagatali) eru einstaka skóladagar þar sem stundatöflu nemenda er breytt verulega en upphaf og lok skóladags er því næst þau sömu. Þessir dagar mega vera 10 talsins á hverju skólaári. Á uppbrotsdögum tekur vinnuframlag kennara mið af dagskrá og skipulagi dagsins. Að lokinni dagskrá hafa undirbúningur og úrvinnsla kennslu alltaf forgang. Uppbrotsdagur getur verið hálfur dagur eða hluti dags.

Skertir skóladagar (gulir á skóladagatali) nemenda teljast ekki til uppbrotsdaga og geta verið 10 talsins skv. ákvörðun menntamálaráðuneytis og er m.a. átt við skólasetningar- og skólaslitadaga, foreldraviðtalsdaga, jólaskemmtanir, íþrótt- og útivistardaga og annað sem skólastjóri ákveður í hverjum skóla. Þessa daga tekur vinnuframlag kennara mið af fjölda kennslustunda í stundatöflu kennara auk annarra faglegra

Að öðru leyti skipuleggja skólastjóri og kennarar skólaárið. Skóladagatalið er birt á heimasíðu skólans. Birt með fyrirvara um breytingar.

Dagar	Viðburðir
23. ágúst	Skólasetning er á sal skólans eða í íþróttahúsi skv. auglýsingu á heimasíðu skólans. Skólastjóri flytur ávarp og kynnir nýtt starfsfólk. Nemendur hitta umsjónarkennara. Kennsla hefst samkvæmt stundaskrá næsta dag. Skólabyrjun hjá 1. bekk hefst með tveimur viðtalsdögum 23. og 24. ágúst.
8. september	Dagur læsis. Vinna í tengslum við dag læsis. Sameinuðu þjóðirnar gerðu 8. september að alþjóðadegi læsis árið 1965. Í yfirlýsingu frá UNESCO, menningar- og vísindastofnun Sameinuðu þjóðanna, segir að læsi teljist til grunnlífsleikni. Læsi er að sönnu kjarni alls náms og er undirstaða hvernar kennslustundar, þannig að í raun má segja að hver og einn dagur sé dagur læsis. Á þessum degi er fólk, hvar sem það er í heiminum, hvatt til þess að skipuleggja læsis- og lestrarviðburði. Læsi er skilgreint sem lestur, hlustun, tal og ritun.
9. september	Útivist - Göngu- og hjóladagur: Gert er ráð fyrir að allir árgangar skólans fari í göngu- eða hjólaferðir í nágrenni skólans.
16. september	Dagur íslenskrar náttúru. Hinn 16. september ár hvert er nú tileinkaður <i>íslenskri náttúru</i> og eru kennarar hvattir til að leggja áherslu á íslenska náttúru í skólastarfinu þennan dag.
4. október	Skipulagsdagur.

13. - 15. okt	Þemadagar hjá 1. - 7. bekk. Allir nemendur skólans vinna að sameiginlegu þema sem ákveðið er á hverju skólaári.
20. október	Skipulagsdagur. Undirbúningur kennarar vegna námssamtala
18. - 19. okt	Haustfrí
2. nóvember	Skipulagsdagur
3. nóvember	Nemendastýrð námssamtöl. Nemendur og foreldrar hitta kennara og eiga samtal um námsframvindu.
8. nóvember	Baráttudagur gegn einelti Þessa viku vinna nemendur forvarnarverkefni gegn einelti skv. forvarnaráætlun skólans.
16. nóvember	Dagur íslenskrar tungu. Dagur íslenskarar tungu er 16. nóvember, á afmælisdegi Jónasar Hallgrímssonar. Sameiginleg dagskrá er á sal. Stóra upplestrarkeppnin hefst á Degi íslenskrar tungu.
20. nóvember	Dagur mannréttinda barna.
1. desember	Fullveldisdagurinn haldinn hátíðlegur með skipulegri dagskrá.
2. desember	Skreytingadagur - vinabekkir. Nemendur færa skólann í jólabúning.
17. desember	Litlu jól. Litlu jólin eru hefðbundin. Nemendur koma saman í heimastofum, mæta þrúðbúin, gjarnan með kerti, kennari les jólasögu. Síðan er haldið í íþróttasalinn þar sem allir nemendur ganga í kringum jólatré og syngja jólalög. Að því loknu halda nemendur aftur í stofu, borða nesti og eiga huggulega samverustund.
3. janúar	Skipulagsdagur.
9. febrúar	Útivist - Skíðadagur.
15. - 16. febrúar	Nemendastýrð námssamtöl. Nemendur og foreldrar hitta kennara og eiga samtal um námsframvindu.
2. mars	Skipulagsdagur
3. og 4. mars	Vetrarfrí
14. mars	Dagur stærðfræðinnar. Alþjóðlegur dagur stærðfræðinnar er haldinn fyrsta föstudag í febrúar ár hvert. Markmið með degi stærðfræðinnar er tvíþætt. Að vekja nemendur og sem flesta aðra til umhugsunar um stærðfræði og hlutverk hennar í samfélaginu, einnig að fá nemendur til að koma auga á möguleika stærðfræðinnar og sjá hana í víðara samhengi.
15. - 17. mars	Stuttmyndadagar unglingsstigs. Nemendur 8. - 10. bekkjar búa til stuttmyndir eftir frumsömdum handritum nemenda úr skólanum.
22. mars	Stuttmyndasýning. Aðstandendum boðið til stuttmyndasýningar í íþróttasal Giljaskóla.

25. mars	Árshátíð unglíngastígs. Nemendur 10. bekkjar eiga hátíðarkvöldverð með starfsfólki unglíngastígs, verðlaunaafhending fer fram fyrir stuttmyndir og ball er haldið fyrir alla nemendur unglíngastígs og gesti.
29. - 30. mars	Árshátíð yngsta- og miðstígs. Markmiðið er að efla félagsþroska, þjálfra framsögn, leikræna tjáningu og framkomu og síðast en ekki síst hafa gleði og gaman af. Nefnd skipuð starfsfólki skólans vinnur að undirbúnings- og skipulagsvinnu. Skólahópi frá leikskólunum Kiðagili og Tröllaborgum er boðið á nemendasýningu. Sýningargestir greiða aðgangseyri sem fer í nemendasjóð bekkja vegna vorferða. Nemendur/foreldrar 10. bekkjar leggja til veitingar og selja kaffi eftir sýningar. Andvirði kaffisölnunnar rennur í ferðasjóð bekkjarins.
27. apríl	Skipulagsdagur
31. maí - 2. júní	Skólaferðalag 10. bekkjar
1. - 2. júní	Vettvangsdagar sem einkennast af útiveru og fjölbreyttum viðfangsefnum.
3. júní	Skólaslit. Skólaslit eru í sal íþróttahúss fyrir alla nema nemendur 10. bekkjar. Skólastjóri flytur ávarp. Nemendur fara síðan með kennurum sínum í heimastofur og þar fá þeir afhentan vitnisburð. Skólaslit 10. bekkjar fara fram síðdegis. Nemendur flytja tónlistaratriði, skólastjóri ávarpar nemendur og kveður þá. Fulltrúi nemenda flytur ávarp. Eftir athöfnina og myndatöku er boðið í kaffi og kökur sem foreldrar 10. bekkjar og skólinn leggja til en foreldrar 9. bekkja ganga um beina.

Auk þessa: Ýmsar fastar/ óvæntar uppákomur, s.s. vettvangsferðir, íþróttaleikar, gönguferðir, skíðaferðir, leiksýningar, tónleikar og fleira sem upp kemur og ekki er hægt að festa á dagatali en auglýst þegar þar að kemur. Hér fyrir neðan er nokkrum föstum uppákomum eða starfi lýst.

Hreyfing

Sem heilsueflandi grunnskóli leggjum við áherslu á ýmsa hreyfitengda viðburði í skólastarfinu. Meðal viðburða eru:

- Skíðadagur í Hlíðarfjalli (útivistardagur á vorönn)
- Ólympíuhlaup íSÍ
- Lífshlaupið
- Skólahreysti
- Giljaskólaleikar
- Unicef hreyfingin
- Ýmsir leikir á skólalóð á vegum vinaliðaverkefnis.
- Íþróttamót allra grunnskóla bæjarins.

Vinabekkjasmstarf

Sú hefð hefur skapast að samstarf sé á milli vinabekka nokkrum sinnum yfir veturinn. Vinabekkir eru einn yngri bekkur og einn eldri bekkur. Skiptingin er þessi; fyrsti og sjötti bekkur, annar og sjöundi, þriðji og áttundi, fjórði og níundi, fimmti og tíundi. Samstarfið heldur síðan áfram svo lengi sem bekkirnir eru í skólanum. Markmiðið er að þessir nemendur kynnist og læri að vinna saman að ýmsum verkefnum.

Einnig er þetta gert með forvarnargildi í huga varðandi einelti. Á haustin er útvíst skipulögð með þetta samstarf í huga.

Fegrunar- og hreinsunardagur

Í maí, í tengslum við hreinsunarviku Akureyrarbæjar, fer fram hreinsunaráttak í skólanum. Átakið er tengt umhverfisfræðslu. Verkefnin tengjast því að fegra og hreinsa skólann og nánasta umhverfi hans fyrir sumarið. Nemendur fara út á mismunandi tímum dagsins til að vinna ákveðin verkefni sem hver árgangur ber ábyrgð á.

Gróðursetningardagur

Sótt er um plöntur í Yrkjusjóð. Fjórði bekkur gróðursetur plöntur í samráði við skógræktarfélagið og er staðsetning ár hvert fundin í sameiningu. Bæði hefur verið gróðursett í Kollugerðismóum og rjóðri fyrir neðan Hlíðarbraut. Aðstoð og verkfæri fengin að láni frá Umhverfiseild.